

motibus terræ præest, abscidisse isthmum Aonio multas cuspides habente ferro, & induxisse mare, quod isthmum vtrimque cingebat: atque ita ex peninsula fecisse insulam, gratificantem Iocasto Æoli filio; quo is secure ac tuto inhabitare eam posset.]

Principem urbium Syracusas habet, inquit^a Solinus, quam sic describit ^{a Solinus c. 11.} Cicero^b in Verrem. [Urbem Syracusas maximam esse Græcarum urbium ^{b Cic. in Verrem lib. 4.} pulcherrimamque omnium sæpe audistis. Est, iudices, ita ut dicitur. Nam & situ est cum munito, tum ex omni aditu, terra vel mari, præclaro ad aspectum; & portus habet prope in ædificatione aspectuque urbis inclusos: qui cum diuersos inter se aditus habeant, in exitu coniunguntur & confluunt. Eorum coniunctione pars oppidi, quæ adpellatur insula, mari dis-iuncta angusto, ponte rursus adiungitur & continetur.]

Quod autem in ea fuerit sedes Metropolitana, hisce rationibus conjicio. Primum ex Tractoria^c Constantini ad Chrestum Syracusanum Episco- ^{c Euseb. hist. Eccl. l. 10. c. 5.} pum, qua hunc ad Synodum Arelatensem inuitat: [Quoniam, inquit, plu- ^{Kal duo ze pnaiz} rimos ex diuersis locis Episcopos in Arelatensium oppido ad Kalendas ^{en te deutere dpe- ne, ois an su autis} Augusti conuenire præcipimus, tibi etiam per literas significandum du- ^{omlezaaz keynes.} ximus, ut accepto à clarissimo viro Latroniano Correctore Siciliae, pu- blico vehiculo, cum duobus alijs secundæ sedis, quos ipse diligendos iudicaueris, tribusque vna famulis, qui vobis in via ministrent, adscitis, desi- gnatum in locum ad diem prædictam te conferas.] Quis enim non vi- det duo ex his verbis colligi? Primum in Sicilia quosdam Episcopos se- cundæ sedis fuisse, & alios vel saltem alium primæ. Id clare verba sonant: vnde & perspicuum est in ea Metropolitam fuisse, cum à primæ sedis Epis- copo non differat. Secundum autem, quod Chrestus Syracusanus ipse pri- mæ sedis Episcopus fuerit, cum ad eum directæ sit Tractoria, eiusque arbi- trario commissum, ut quos secum adducendos iudicaret, ipse eligeret: id enim non nisi Metropolitæ conuenit. Quosdam huic Metropolitani titu- lum dignitatemque ex hoc concedere scio, quod eum primum inter Episco- pos Concilij Arelatensis subscriptum animaduertant. Non enim, aiunt, probabile est, ut sola insignitus Episcopali dignitate ante plures Metro- politanos subscriberet: sed leui admodum hæc sententia nititur fundamen- to, cum primorum Conciliorum subscriptiones planè inuersæ sint, ac in ijs plerumque alio ordine reperiantur nominati Episcopi, quam quo subscri- pserunt. Id clare videre est in Concilio Sardicensi, cui Vincentius de Capua & Calepodius Neapolitanus 2. & 3. subscripti leguntur, licet Metro- politani haud fuerint istis temporibus. Certius eruetur argumentum ex subscriptionibus Conciliorum Italiae, quippe quæ pene integræ, & quasi sine mendis ad nos venerunt. Quis non aduertit Eulalium huius sedis Episcopum, quartæ & quintæ Synodo Romanæ sub Symmacho (quibus solis ex Con- ciliis Italiae reperitur Pontifex Syracusanus) subscriptum proxime post Ra- uennensem Metropolitanum, & ante omnes alios Italiae Episcopos. Vnde & tunc Metropolitanum fuisse non est quod dubitemus. Nec omittam quod Maximianus Syracusanus Episcopus, Vicarius sedis Apostolicæ à Grego- rio magno per Siciliam institutus fuerit, epistola^d qua hæc leguntur: [Olim ^{d Epist. 13. lib. 3. Indict. 12.} quidem fraternitati tuæ nostra fuerat autoritate commissum, ut si quæ in Sicilia exciderent Ecclesiæ cæterisque venerabilibus locis, vel incongrue